

Pasobra boso a wòrdu yamá pa **Libertat**, rumannan; solamente, no usa boso **Libertat** komo un **Oportunidat** pa e karni, ma laga un sirbi otro pa medio di **Amor**. Pasobra henter e **Lei** ta keda **Kumplí** den un solo **Palabra**, esta: "**Stima** bo próhimo manera bo mes." (**Galationan 5:13-14**).

Tur dia di **Nobo** nos tin hopi **Oportunidat** pa parti e **Bon Notisia**.  
Nos tin **Oportunidat** pa parti e **Bon Notisia** den nos kas ku nos esposa.  
Nos tin **Oportunidat** pa parti e **Bon Notisia** den nos kas ku nos yunan.  
Nos tin **Oportunidat** pa parti e **Bon Notisia** den bario ku nos bisiñanan.  
Nos tin **Oportunidat** pa parti e **Bon Notisia** den skol ku e otro alumnonan.  
Nos tin **Oportunidat** pa parti e **Bon Notisia** ku nos koleganan na trabou.  
Nos tin **Oportunidat** pa parti e **Bon Notisia** ora nos bai hasi kompra.

Tur e **Oportunidat**nan aki ta presentá ora nos kièr skucha e **Nesesidat** di e hende den mester. Awor pa skucha nos mester habri i usa nos 2 oreatan i sera nos boka pa nos por haña **Konosementu**. Ora nos haña **Konosementu** di e **Nesesidat** di e hende, e ora ey nos por habri nos boka.

Awor si abo no a **Kambia** bira manera **Yeshua Hamashiach, Esun Ungi**, abo no por yuda e hende den **Nesesidat** ora abo habri bo boka, pasobra abo lo usa bo propio **Sabiduria** na lugá di e **Sabiduria** di **Dios Tata** (**Proverbionan 3:5**). Ora abo **Kambia** i bira manera **Yeshua Hamashiach, Esun Ungi**, abo lo realisá ku abo no por hasi nèt nèt nada sin e **Spiritu Santu**. Ta e **Spiritu Santu** di **Dios Tata** ta duna abo **Poder** pa triunfá den e bataya, pasobra e bataya ta **Spiritual** (**Efesionan 6:12**). Laga e nòmber di **Dios** sea **Bendishoná** pa semper i semper, pasobra **Sabiduria** i **Poder** ta pertenesé na **Dios Tata** (**Daniel 2:20**).

### Awor kiko e palabra **PODER** ta nifiká?

**P** ta nifiká ku nos tin e **Sabiduria** i **Poder** pa **Prevalesé** riba e **diabel** (**Revelashon 12:7-8**)

**O** ta nifiká ku nos tin e **Sabiduria** i **Poder** pa **Oprimí** e **enemigu** (**Juan 16:33**)

**D** ta nifiká ku nos tin e **Sabiduria** i **Poder** pa **Derota satanas** (**Romanonan 8:31-35**)

**E** ta nifiká ku nos tin e **Sabiduria** i **Poder** pa **Eksaltá** riba **demoñonan** (**Hebreonan 5:5**)

**R** ta nifiká ku nos tin e **Sabiduria** i **Poder** pa **Reina** riba e **diabel** (**Revelashon 11:15-17**)

Asina ta, ku nos mester sa ku nos tin **PODER**; **PODER** pa **Prevalesé, Oprimí, Derota, Eksaltá, Reina** riba e **enemigu** i su **demoñonan** (**Filipensenan 4:13**), pasobra den tur e kosnan ku nos ta pasa aden aki, nos ta **mas ku Vensedor**, dor di **Esun** ku ta **Stima** nos (**Romanonan 8:37**).

**PODER** dor di e **ORO** di **Dios Tata**. **ORO** = **Obediensiá, Relashon, Orashon**.

Pa e motibu aki tuma tur **Oportunidat** pa parti e **Bon Notisia**, pasobra abo tin **PODER** pa yuda bo ruman den **Nesesidat**. **SEÑOR** a bisa: "Ata, **Mi** a pone **Mi palabranan** den bo boka. Mira, awe **Mi** a nombra abo riba e **nashonnan** i riba e **reinonan**, pa ranka ku rais ku tur, i pa kibra basha abou, pa destruí i pa tumba, pa edifiká i pa planta." (**Jeremias 1:9-10**). **SEÑOR** ta un **Dios** di guera, **Señor** ta su nòmber (**Éksodo 15:3**). **Dios Tata** a bisa: "Bo ta **Mi hacha di bataya**, **Mi arma di guera**; i ku bo **Mi ta destrosá nashonnan**, i ku bo **Mi ta destruí reinonan** (**Jeremias 51:20**). Mi ruman awe bo tin e **Libertat**, **Oportunidat** i **Poder** pa destrosá i destruí tur loke ta e trabounan di e **diabel**. E úniko manera ku abo por hasi esaki ta dor di **Kumpli** ku **Dios Tata Su Boluntad**.

**ORO = Obediensiá, Relashon, Orashon.**

**Obediensiá** na **Dios Tata**, ta **Dios Tata Su Boluntad**; **Yeshua Hamashiach** a **Obedesé Dios Tata** (**Romanonan 5:8**).

**Relashon** ku **Dios Tata**, ta **Dios Tata Su Boluntad**; **Yeshua Hamashiach** ta tin un **Relashon** ku **Dios Tata** (**Romanonan 5:10**).

**Orashon** di **Dios Tata**, ta **Dios Tata Su Boluntad**; **Yeshua Hamashiach** a hasi **Orashon**: "**Dios Tata Bo Boluntad** sea hasi den **mi Bida**, no manera ami kièr, ma semper manera **Abo kièr**" (**Mateo 26:39**).

22 sèptèmber 2017

Sea Bendishoná den e Amor di Yeshua Mesias

Rev. Remsly L Riley